

ESTER

(Ité)

Taxũ ga òna naxũ ga ãëxgacũ ga Achuéru

1 ¹Rũ nũma ga Achuéru rũ ãëxgacũ nixĩ ga Médiaanewa rũ Pérchiaanewa. Rũ yema norũ naane rũ 127 gu nixũye. Rũ Ídiaanewa inaxũgũ rũ ñuxmata Etiopíaanewa nangu ga norũ ta. ²Rũ guma ãëxgacũpata rũ ñane ga Chúchawa nixĩ ga nayexmaxũ. ³Rũ yexguma marũ tomaepũx ga taunecũ ãëxgacũ yixĩxgu ga Achuéru rũ nanaxũ ga wũxi ga taxũma ga peta. Rũ nũxna naxu ga guxũma ga norũ ngũxëëruũgũ ga ãëxgacũgũ rũ churaragüerugũ ga Médiaanecũãx rũ Pérchiaanecũãx, rũ yema ãëxgacũgũ ga wũxichigũ ga norũ naanearũ üyewa yexmagũxũ. ⁴Rũ yemaacũ nanaxũ ga yema peta, yerũ ga nũma rũ nügũ inawéxchaũ nax ñuxãcũ naporaxũ rũ ñuxãcũ namuxũchixũ ga nachixũñanearũ yemaxũgũ rũ ñuxãcũ namexechixũ ga norũ ñane. Rũ yema peta rũ natai ga ngãxũ ga taunecũ. ⁵Rũ yema petawena rũ nũma ga ãëxgacũ rũ to ga peta naxũ ga ãëxgacũpataaxtũwa ga 7 ga ngunexũ taixũ. Rũ yema petawa rũ nũxna naxu ga guxũma ga yema duũxũgũ ga ãëxgacũpatawa puracüexũ

ga norũ ngũxëëruũgũ rũ norũ puracütanũxũgũ ixĩgũxũ.

.....

¹⁰⁻¹¹Rũ yema peta nagu yagúxũ ga ngunexũgu rũ nũma ga ãëxgacũ rũ marũ bínunaxã nangãxãë rũ yemaçax nataãxë. Rũ nanamu ga 7 ga norũ ngũxëëruũgũ ga Meumáũ, rũ Bícha, rũ Arbóna, rũ Bíta, rũ Abáta, rũ Chetá, rũ Cárca nax napexewa ngĩxũ nagagũxũcax ga yema naxmãx ga Báti ga meama ngaxãëcũ namaxã ga yema norũ ngaxcueruxũ. Rũ yemaacũ nanamu nax guxũma ga duũxũgũxũ rũ ãëxgacũgũxũ ngĩxũ nawéxũcax nax ñuxãcũ namexechixũ, yerũ aixcũma imexechi. ¹²Natürũ ngĩma ga naxmãx rũ tama naga ixĩnũ ga yema ãëxgacüaru duũxũgũ ngĩmaxã nüxũ ixuxũ. Rũ yemaçax ga nũma ga ãëxgacũ rũ poraãcũ nanu. ¹³Rũ norũ numaxã norũ ucũxëruũgũ ga meama yema naanearũ mugũxũ icuáxũna naca nax taxacũ tá naxũxũ ngĩmaxã ga naxmãx. Yerũ nũma ga ãëxgacũ rũ nacũma nixĩ nax norũ ucũxëruũgũ ga meama mugũxũ icuaxgũxũna nacaxiraxũ naxũpa nax taxacürũ mu naxunagũxũ. ¹⁴Rũ yema

ucuxëruũgũ ga ãëxgacũmaxã
 ãmũcũgũxũ rũ Cachéna, rũ Chetáru, rũ
 Amáta, rũ Tárci, rũ Mére, rũ Marchéna
 rũ Memucáũ nixĩgũ. Rũ nũmagũ ga
 yema 7 ga yatũgũ ga iporaexũ ga
 Pérchiaanewa rũ Médiaanewa rũ
 ãëxgacũariũ ucuxëruũtũcumũwa naxũgũ.
 Rũ taxũ ga ãëxgacũgũ nixĩgũ ga yema
 nachixũanewa. ¹⁵Rũ nũma ga ãëxgacũ
 ga Achuéru rũ yema yatũgũna naca rũ
 ñanagũrũ: —¿Taxacũ tá chaxũ i
 ñuxmax? ¿Rũ taxacũrũ poxcu nixĩ
 ixumatũxũ i mugũwa ngĩxcax i wũxi i
 ãëxgacũmax i tama ãëxgacũga ñnũcũ
 ega norũ ngũxëëruũgũxũ namugũgu nax
 ngĩxcax yacagũxũcax? —ñanagũrũ. ¹⁶Rũ
 nũma ga Memucáũ rũ namũcũgũégagu
 ãëxgacũxũ nangãxũ rũ ñanagũrũ: —Pa
 ãëxgacũx, rũ ngẽma cuxmax rũ tama
 cupexewaxica chixexũ ixũ, natũrũ
 guxũma i ãëxgacũgũ rũ duũxũgũ
 iyatũxũpexewa inaxũ i ngẽma chixexũ.
¹⁷Rũ ngëxguma ngẽma naigũ i ngexũgũ
 i curũ naanewa ngëxmagũxũ nũxũ
 cuaxgũgu i ngẽma naxũxũ i ngẽma
 cuxmax i Báti, rũ nũmagũ rũ ta rũ
 taxũtãma natega naxĩnũe. Erũ tá nũxũ
 nixugũe rũ ãëxgacũ ya Achuéru rũ
 naxmax ga Baticax nangema rũ ngĩma
 rũ tama naga ixĩnũ. ¹⁸Rũ guxũma i
 ngẽma ãëxgacũgũ i Pérchiaanewa rũ
 Médiaanewa ngëxmagũxũ naxmaxgũ rũ
 ngëxguma nũxũ nacuáchigagũgu i
 ngẽma naxũxũ i ngẽma cuxmax, rũ
 ngẽma ngexũgũ rũ tá ta ngẽmaãcũ
 natemaxã nanaxũgũ nax tama natega
 naxĩnũexũ. ¹⁹Rũ cumaxã nũxũ tixu, Pa
 ãëxgacũx, rũ ngëxguma chi curũ me
 yixĩgu nax cunaxunagũxũcax i wũxi i
 mu i tagutãma texë iyarũoxoxëëxũ i

Pérchiaanewa rũ Médiaanewa, rũ
 ngẽma muwa rũ tá nũxũ quixu nax
 tagutãma wena cupexewa nax nanguxũ
 i cuxmax i Báti. Rũ ñuxũchi, Pa
 ãëxgacũx, rũ name i nai i cuxmaxcax
 cudadu, i ngẽmaarũ yexera cuga ñnũcũ.
²⁰Rũ ngẽma mu rũ name nixĩ i
 cunaxunagũ i guxũma i ngẽma naanegũ
 i namaxã icucuáxũwa. Rũ ngẽmaãcũ i
 guxũma i ngexũgũ rũ tá natega naxĩnũe
 rũ woo ãëxgacũ yixĩxgu rũexna
 ngexũrũxũmare i duũxũ yixĩxgu
 —ñanagũrũ. ²¹Rũ yema Memucáũariũ
 ucuxë rũ ãëxgacũcax rũ norũ
 ngũxëëruũgũcax rũ name. Rũ yemacax
 ga nũma ga ãëxgacũ rũ nanamu nax
 naxumatũxũ ga yema mu. ²²Rũ
 wũxichigũ ga nagawa naxumatũ rũ
 ñuxũchi guxũma ga yema naanegũ ga
 ãëxgacũ namaxã icuáxũwa nanamupane
 nax guxũma ga ngexũgũ rũ guxũwama
 natega naxĩnũexũcax.

Itégu nangu nax ãëxgacũmax yixĩxũ

2 ¹Rũ yexguma marũ
 inangũxmũguwena ga nũma ga
 ãëxgacũ ga Achuéru, rũ ngĩxna
 nacuãxachi ga naxmax ga Báti, rũ nagu
 narũxĩnũ ga yema mu ga nũma
 naxumatũxũgagu nax tagutãma wena
 ngĩxũ nadauxũ. ²Rũ yexguma ga yema
 norũ ngũxëëruũgũ rũ ñanagũrũgũ nũxũ:
 —Name nixĩ i cuxũ ngĩxcax tadaugũ i
 pacũgũ i mexechicũ i taguma yatũxũ
 cuaxgũcũ. ³¡Ecũ nũxũ naxuneta i
 duũxũgũ i wũxichigũ i naane i namaxã
 icucuáxũwa nax ngẽma pacũgũ i
 mexechicũ i taguma yatũxũ cuaxcũ
 ngĩxũ idexechixũcax rũ nua curũ
 ngexũgũpatawa ngĩxũ nagagũxũcax! Rũ

ñuxūchi name nixī ya yima
 ngexūgūpataarū dauruxū ya Egái ngīxna
 nadau i ngēma pacūgū nax ngīxū
 yangaxāēgūxūcax. ⁴Rū ngēma pacū i
 yexera curū me ixīcū Pa Āēxgacū, rū
 ngēma tá iyixī i cuxmax ixīcū
 ngīchicūxū i Bāti —ñanagürügū. Rū
 yema inū rū norū me nixī ga āēxgacū,
 rū yemaacū nanaxū. ⁵Rū Chúchawa ga
 āēxgacūpatawa napuracū ga wūxi ga
 Yudíu ga Bēyamítanūxū ga Marduquéu
 ga naéga. Rū nūma rū Yaxí nane nixī, rū
 Chimeí rū Chí tixī ga norū oxīgū. ⁶Rū
 nūma ga Marduquéu rū natanūwa
 nayexma ga yema muxūma ga Yudíu
 ga Nabucudonochó Yerucharéūwa
 ígaxūxū wūxigu namaxā ga Yeconía ga
 Yudáanecūāxarū āēxgacū ixīcū. ⁷Rū
 nūma ga Marduquéu rū nūxū iyexma ga
 wūxi ga nanepūxacū ga guxūwama
 taxcucū. Rū ngīéga rū Adácha rūexna
 Ité nixī. Rū ngīma rū imechametūxūchi
 rū ngīxine rū namexechi. ⁸Rū yexguma
 naxunagūgu ga āēxgacūarū mu ga pacū
 ngīxū nax nanutaquexegūxūchiga, rū
 mucūma ga pacū ngīxū nanutaquexegū
 nagu ga āēxgacūpata ga Chúchawa
 yexmagūne. Rū pacūgūarū dauruxū ga
 Egáimexēwa iyexmagū. Rū yema
 pacūgūtaniwa ta iyexma ga Ité. ⁹Rū
 nūma ga Egái ga yema pacūgūmaxā
 icuaxcū rū porācū norū me iyixī ga Ité.
 Rū yemacax ga nūma ga Egái rū
 noxtacūma ngīxū nayangaxāē rū
 memaexū ga ōna ngīxna naxā. Rū ngīxū
 naxuneta ga 7 ga ngexūgū ga
 āēxgacūpatawa puracūecū ga nūxū
 rūcuaxmaegūcū nax yema Iténa
 daugūxūcax. Rū yema rūmemaexū ga
 ucapuwa ngīxū nagagū nax yéma

nayexmaxūcax ga ngexūgūpatawa.
¹⁰Natürū ngīma ga Ité rū tama ngīgū
 iyaxu nax Yudíu yixīxū rū tama ngīgū
 iyaxu ga texétanūxū nax yixīxū. Yerū
 yemaacū ngīxū naxucuxē ga Marduquéu
 nax tama ngīgū yaxuxūcax.

.....

¹⁵Rū ngīma ga Ité ga Marduquéueyax
 ga Abiáixacū, rū yexguma ngīwa
 nanguxgu nax āēxgacūpexewa ngīxū
 nagagūxū, rū ngīma rū inayaxu ga yema
 Egái ga pacūgūarū dauruūarū ucuxē. Rū
 meama ngīgū ingaxāē yema ngīmaxā
 nūxū yaxuxūrūxū. Rū yema naigū ga
 pacūgū rū porācū ngīmaxā itāxēgū ga
 yexguma ngīxū nadaugūgu. ¹⁶Rū
 yexguma marū 7 ga taunecū āēxgacū
 yixīxgu ga Achuéru, rū meama norū 10
 ga tauemacū ga Tebéxgu āégacūgu
 (enéro) nixī ga āēxgacūpatawa Itéxū
 nagagūxū naxūtawa ga Achuéru. ¹⁷Rū
 yexguma ngīxū nadauxgu ga Achuéru rū
 porācū nūxū ingúchaū gucū ga naigū
 ga pacūarū yexera. Rū yemacax
 ngīeruwa nayangaxcuchi ga yema
 ngaxcueruxū ga āēxgacūmaxcax ixīxū,
 rū ngīxū naxuneta nax naxmax yixīxū
 ngīchicūxū ga Bāti.

.....

**Marduquéu rū nūxū nacuáchigaama nax
 āēxgacūxū yamāxgūchaūxū**

²¹Rū wūxi ga ngunexū ga yexguma
 Marduquéu āēxgacūpataarū īāxwa
 nadauxūtaeyane rū nūxū naxīnū ga
 taxre ga īāxarū dauruūgū ga Bigatá rū
 Tére ga nugaacū nūgūmaxā idexagūxū
 nachigagu nax nuxācū tá āēxgacū ga
 Achuéruxū yamāxgūxū. ²²Rū yexguma
 yemaxū nacuaxgu ga Marduquéu rū

ãëxgacü naxmax ga Itémaxã nüxü nixu ga ãëxgacüxü nax yamaxgüchaüxü. Rü ngîma ga Ité rü ãëxgacümaxã nüxü iyaxu ga yema Marduquéu ngîmaxã nüxü ixuxü. ²³Rü nüma ga ãëxgacü rü naxcax ínicagüchigü nachiga ga yema nax yamaxgüchaüxü. Rü nüxü nacuáchiga nax aixcüma yixixü ga yema. Rü yemacax nanawëxgünaxã ga yema taxre ga yatügü. Rü guxüma ga yema ngupetüxü rü ãëxgacüpëxewatama nanaxümatü nagu ga nachixüanepane.

Marduquéu rü Amáüchiga

3 ¹Rü yema ngupetüxguwena rü nüma ga ãëxgacü ga Achuéru rü wüxi ga yatü ga Amáüxü naxuneta nax norü ngüxëëruügümaxã inacuáxücax. Rü yemaacü nawa nangu nax guxüma ga yema naanemaxã inacuáxü ga Amáü. Rü Achuéruxicatama nixi ga naétüwa yexmaxü. Rü nüma ga Amáü rü Amedáta nane ga Agátanüxü nixi. ²Rü guxüma ga yema ãëxgacüpatawaarü puracütanüxügü rü Amáüpëxegu nacaxápüxügü rü narümaächitanü ga yexguma Amáü napëxewa üpetüxgu rüexna napëxewa nayexmagu. Yerü yemaacü nixi ga ãëxgacü ga naxunagüäxü. Natürü nüma ga Marduquéu rü tama naga naxínüchaü ga yema mu, rü yemacax tama narümaächi ga yexguma Amáü napëxewa üpetüxgu. ³Rü yexguma yemaxü nadaugüga ga ãëxgacüarü ngüxëëruügü, rü Marduquéuna nacagüe rü ñanagürtü: —¿Tüxcüü tama naga cuxínü i ngëma ãëxgacü unagüxü? —ñanagürtügü. ⁴Rü guxüma ga

ngunexügüga rü yemaacütama Marduquéuna nacagüxü, natürü nüma ga Marduquéu rü nanangäxü nax nüma rü Yudíu yixixü rü yemacax tama Amáüpëxegu nayarümaxächi. Rü yemacax ga yema duüxügü rü Amáümaxã nüxü nayarüxugüe rü nüxna naca rü name nax yemamaxã nügü ínapoxüxü ga Marduquéu. ⁵Rü yexguma Amáü Marduquéuxü dajxgu nax tama inacaxápüxügü rüexna yanamaxächixü ga yexguma yéma naxüpetüxgu, rü nüma ga Amáü rü poraäcü nanu. ⁶Natürü yema marü nüxü nax nacuáxü nax taxacürü duüxü yixixü ga Marduquéu rü yemacax tama nüxica nanapoxcuchaü. Rü nagu narüxínü nax ñuxäcü tá nadaiaxüga guxüma ga yema Yudíugü ga yema naanegü ga Achuéru namaxã icuáxüwa yexmagüxü.

Mu ga Yudíugüarü dajxchiga unagüxü

⁷Rü yexguma 12 ga taunecü ãëxgacü yixixgu ga Achuéru, rü meama guma nüxíraxücü ga tauemacü ga Misáügu áëgacügu (abril) rü Amáüpëxewa naxcax nadaugü nax taxacürü ngunexü tá yixixü ga Yudíugüxü nagu nadajüxü. Rü nagu naxunetagü nax guma nai ga 12 ga tauemacü ga Adágu áëgaciärü 13 ga ngunexügu (13 febréro) tá yixixü nax nadaiaxü. ⁸Rü nüma ga Amáü rü ãëxgacü ga Achuéruxütawa naxü nax namaxã nüxü yanaxuxücax nachiga ga yema. Rü ñanagürü: —Pa Æëxgacüx, rü nataniüwa i guxüma i ngëma togü i nachixüanecüäxgü rü nangexma i wüxítücumü i tama togümaxã wüxigüchaüxü. Erü ngëma nacümagü rü nanatoraxü rü tama naga naxínüe i

ngëma curü mugü, Pa Æëxgacüx. Rü ngëmacax, Pa Æëxgacüx, rü tama name nax ñaa naane i namaxã icucuáxüwa namaxëxü. ⁹Rü ngëmacax Pa Æëxgacüx, ega curü me yixixgu i ngëma nüxü chixuxü irü ëcü naxunagü i wüxi i mu i nüxü ixuxü nax noxtacüma nadaixü i ngëma Yudíugü! Rü choma rü tá 330,000 quíru naguxü i diërumü ichaxã nax ngëmamaxã naxütanüxüçax nüxü i ngëma nadaixü —ñanagürü. ¹⁰⁻¹¹Rü yexguma ga nüma ga Æëxgacü rü ñanagürü nüxü: —iRü ngëma diëru rü cuxrütama yixi! iRü ngëma Yudíugü rü namaxã naxü i taxacü i cuma cunaxwaxexü! —ñanagürü. Rü ñuxüchi nügümexëwa ngixü nayaxu ga norü ãnera rü Amáüna ngixü naxã nax yemaacü Æëxgacüéga nawa ngóxüçax ga yema mu ga Amáü unagüxü. ¹²Rü guma taunecüarü nüxíraxücü ga tauemacüarü 13 ga ngunexügu rü nüma ga Amáü rü nanangutaquexexëxë ga Æëxgacüarü poperaarü ümatürüügü. Rü namaxã nüxü nixu nax naxümatügüaxüçax ga wüxi ga mu naxcax ga guxüma ga Æëxgacügü ga namaxã icuáxü ga yema (127) naxixüanegü ga Achuérumexëwa yexmagüxü. Rü wüxichigü ga yema naxiüanecüãxgügawa naxümatü ga yema mu, rü Æëxgacüéga nagu naxü rü norü ãneraéga nawa nangox. ¹³Rü yema Æëxgacüarü orearü ngerüügü rü inayanuetanü ga yema popera nawa ga guxüma ga yema naxixüanegü ga Æëxgacü namaxã icuáxü. Rü yema poperawa rü nüxü nixu rü ñanagürü. “Rü meama nai ya 12 ya tauemacü ya Adágu ágagacüarü 13 ya ngunexügu (13 febrero) rü tá nadai i guxüma i Yudíugü

i yatüxü rü ngexü rü ngextüxüxüügü rü paxüügü rü buxüügü. Rü guxüma i ngëma norü ngëmaxüügü rü ngëma nadaixü mexëwa tá nachoü”, ñanagürü.

Nangechaügü ga Yudíugü yerü naxunagü ga norü daichiga

4 ¹Rü yexguma Marduquéu nüxü cuaxgu ga yema unagüxü rü nügü narügáutechiru yerü poraäcü nangechaü. Rü yemacax témüxü ga naxchirugu nicux rü tanimacamaxã nügü nagüeru. Rü guma ñanegu ínayaxüegu rü tagaäcü aita naxü norü ngechaümaxã. ²Rü yemaacü inixü rü ñuxmata Æëxgacüpataaxwa nangu rü yéma nayachaxächí, yerü nachuxu ga ngechaüchirugu icüxe Æëxgacüpatagu nax ücuxü. ³Rü yexgumarüxü ta ga wüxichigü ga ñanewachigü ga ngextá íyanguchigüxüwa ga yema mu ga Æëxgacü üxü, rü ga Yudíugü rü poraäcü nanaxíxächíäetanü. Rü poraäcü nangechaügü rü tama nachibüe rü naxauxe. Rü muxüma ga nümagü rü tanimacatexegu napegü rü naxchiru ga témüxügu nicuxgü.

Yudíugüétüwa ichogü ga Ité

⁴Rü yema ngixütaxüügü ga Ité rü yema yatügü ga ngíru dauruügü ixigüxü rü ngímaxã nüxü nixugü ga yema Marduquéuxü ngupetüxü. Rü yemaxü naxínügu ga ngímax rü yexeraäcü inaxíxächíäxë. Rü yemacax Marduquéuçax yéma inamu ga mexü ga naxchiru nax ínacuxuchixüçax ga yema témüxü ga naxchiru ga nagu yacúxü. Natürü ga nümax rü tama

ínacuxuchichaŭ. ⁵Rü ngĩma ga Ité rü naxçax ingema ga yema ngĩrũ dauruũeru ga Atáx. Rü Marduquéuxũtawa inamu nax nüxna yacaxaxũçax nax taxacũ ngupetũxũ rü taxacũçax natémũchiruxũ. ⁶Rü nüma ga Atáx rü Marduquéuna nayaca ga ñanearũ ngutaquexechicawa ga ãëxgacũpataarũ ñaxarũ toxmaxtawa. ⁷Rü nüma ga Marduquéu rü namaxã nüxũ nixu ga guxũma ga yema ngupetũxũ rü ñuxre ga diẽru ngĩxũ nax inaxãxũ ga Amãũ nax yemaacũ guxũma ga Yudfugũxũ nadajũçax. ⁸Rü yexgumarũxũ ta Atáxna nanaxãpane ga yema mu ga nüxũ ixuxũ ga Yudfugũarũ dajxchiga. Rü Atáxmaxã nüxũ nixu nax Iténa naxãxũçax rü yemaacũ nüxũ nacuáxũçax ga yema ngupetũxũ. Rü yexgumarũxũ ta Itéçax yéma namuga nax ngĩmatama ãëxgacũmaxã nüxũ yanaxuxũçax rü yemaacũ naétiwa nachogũxũçax ga ngĩtanũxũgũ. ⁹Rü nüma ga Atáx rü natáegu rü Itémaxã nüxũ nayarũxu ga yema Marduquéu namaxã nüxũ ixuxũ. ¹⁰Rü ngĩma ga Ité rü wenaxarũ Marduquéuxũtawa inamu ga Atáx nax namaxã nüxũ yanaxuxũçax ga ngĩrũ dexa ga ñaxũ: ¹¹“Guxũma i duũxũgũ rü nüxũ nacuax rü ngẽxguma texé ãëxgacũxũtawa ũmaregu rü tama nüma tũmacax nangemaãcũma rü tayu ega nüma ya ãëxgacũ rü tama norũ nai i úirumaxã chauxmenaxãne tũmaétiugu nawexgu. Rü chomax rü marũ 30 i ngunexũ taguma chauxçax nangema ya ãëxgacũ”, ngĩgürügũ. ¹²⁻¹³Rü yexguma Marduquéu nüxũ ñnũgu ga ngĩrũ ngãxũ ga Ité, rü ngĩxçax yéma namuga rü ñanagürũ: “¿Ëxna cuma nagu

curũxĩnũgu rü taxũtáma cuyuxũ erũ ãëxgacũpatawa cunexma woo Yudfũ nax quixĩxũ? ¹⁴Rü ñuxma nax ngéma cungeaxmarexũ rü tama naétiwa nax cuchogũxũ i tatanũxũgũ i Yudfugũ, rü toxnamana tá ne naxũ i ngũxéẽ nax nawa ñinguxũxũçax i ngéma guxchaxũ, natürũ i cumax rü ngéma cunatatũtanũxũgũ rü tá nayue. Rü bexmana ngéma nax toxũ ícupoxũxũçax nixĩ i ãëxgacũmaxwa nax cunguxũ i ñuxmax”, ñanagürũ. ¹⁵Rü yexguma ga ngĩma ga Ité rü ñaãcũ Marduquéuçax yéma imuga: ¹⁶“ÍËcũ ngéma naxũ rü nangutaquexexẽ i guxũma i Yudfugũ i Chúchawa ngẽxmagũxũ nax chauxçax aureacũ nayumũxëgũxũçax! ÍRü tomaepũx i ngunexũ rü tomaepũx i chũtaxũ rü taxuxũtáma taxacũ nangõxgũ rüxexna taxacũ nixaxgũ! Rü chomax, rü namaxã i chauxũtaxũgũ rü ngémaãcũ tátama tanaxũgũ. Rü ngẽmawena rü tá ãëxgacũxũtawa íchayadau woo nachuxu nax texé ngéma ũmarexũ tama tũmacax nangemayane. Natürũ tá ngéma chaxũama rü nüétama ega woo chayuxgux”, ngĩgürügũ. ¹⁷Rü yexguma ga nüma ga Marduquéu rü nanaxũ ga yema Ité namaxã nüxũ ixuxũ.

Ãëxgacũxũtawa ixũ ga Ité

5 ¹Rü tomaepũx ga ngunexũguwena rü ngĩma ga Ité rü nagu iyacux ga ngĩrũ ãëxgacũmaxchiru rü ñuxũchi ãëxgacũpatagu ixũcu. Rü yema ucapu ga ãëxgacũ nawa rüttoxũarũ ñaxarũ wexgu iyachi ga ãëxgacũ mea ngĩxũ ídauxũwa. ²Rü nüma ga ãëxgacũ rü yexguma ngĩxũ nadajuxgu ga Ité nax

yexma nachixũ, rü ngĩmaxã nataãxẽ rü nanawexnagü ga norü úirumenaxã. Rü ngĩma ga Ité rü naxcax iyaxü rü norü úirumenaxãpexegu iyarüngógü. ³Rü nüma ga ãëxgacü rü ngĩxna naca rü ñanagürü: —¿Taxacü cuxü nangupetü Pa Itéx? ¿Rü taxacü cunaxwaxe? iRü woo chi ngãxũgu i chauchixũanecax choxna cucaxgu rü chi cuxna chanaxã! —ñanagürü. Rü Ité rü inangãxü rü ngĩgürügü: ⁴—Rü ngëxguma chi curü me yixĩxgu, Pa ãëxgacüx, rü cuxna chaxu nax chauxõtawa cuxũxũcax erü cuxcax rü Amaũcax chanaxü i wüxi i òna i mexü i ñuxmax —ngĩgürügü. ⁵Rü nüma ga ãëxgacü rü norü duũxũgũxü namu rü ñanagürü: —iNaxcax pedax ya Amáũ rü nua naxü nax ngëmaacü nataãxëxũcax i Ité! —ñanagürü. Rü ñuxüchi ga nüma ga ãëxgacü rü Amáũ rü yéma naxĩ nawa ga yema òna ga Ité naxcax üxü. ⁶Rü yexguma ínachibüeyane rü nüma ga ãëxgacü rü Itéxü ñanagürü: —iChoxna naxcax naca i taxacü i cuma cunaxwaxexü rü tá cuxna chanaxã woo chitama ngãxũgu i chauchixũanecax choxna cucaxgu! —ñanagürü. ⁷Rü ngĩma ga Ité rü inangãxü rü ngĩgürügü: —Ñaxicatama nixĩ i ngëma chanaxwaxexü i tá cuxna naxcax chacaxü. ⁸Pa ãëxgacüx, ngëxguma chi aixcuma choxü cungechaũxgu, rü chi curü me yixĩxgu i ngëma chanaxwaxexü, rü chi choxna cunaxãxchaũgu i ngëma cuxna naxcax chacaxaxü, rü cuxna chaxu nax moxüarü ngunexũgu Amáũmaxã nua chauxõtawa pexĩxü naxcax i to i òna i pexcax tá chamexëxü. Rü ngëma tá nixĩ i cumaxã nüxü chixuxü, Pa

ãëxgacüx, i ngëma choxna naxcax cucaxaxü —ngĩgürügü.

Amáũ rü Marduquéucax nanaxü ga wüxi ga wëxnaxächicaxü

⁹Rü nüma ga Amáũ rü poraäcü nataãxëäcüma natáegu nawa ga chibü. Natürü yexguma ãëxgacüpataarü ãxwa ínaxũxũxgu rü poraäcü nanu yerü ga Marduquéu ga ãxwa yexmacü rü tama inachi rü bai ga nax naxĩãxächixü ga yexguma nüxü nadauxgu ga yéma nax naxüpetüxü. ¹⁰Natürü yexgumatama rü tama nügü nangoxëxë ga nax nanuxü. Rü yexguma nachĩüwa nanguxgu rü namücügücax nangema rü ngĩxcax nangema ga Chére ga naxmax. ¹¹Rü yema namücügüpexewa inanaxügü ga nügü nax yacuaxüxü. Rü nüxü nixu nax ñuxäcü namuarü ngëmaxũãxüchixü rü namuxacüxüchixü rü ñuxäcü ãëxgacü nüxü icuaxüxü natanüwa ga yema norü ngüxëëruũgü rü yemacax yema togüétüwa nanaxüxëxë ga ãëxgacü. ¹²Rü ñanagürü ta: —Rü chaxicatama nixĩ i choxna naxuxü i Ité i ãëxgacü naxmax nawa i ngëma òna i ñuxma ãëxgacücax naxcax nangemaxü. Rü wenaxarü choxna ixu nawa i ngëma òna i moxü tá ãëxgacücax naxüxü. ¹³Natürü ngëxguma nüxü chadauxgu i ngëma Yudfu i Marduquéu i ãëxgacüpataarü ãxwa rütoxü rü chauxãewa nangux erü tama choxü nicuaxüxü. Rü ngëmagagu choxna niña i ngëma chorü taãxë i ãëxgacü naxmax chauxcax üxü —ñanagürü ga Amáũ. ¹⁴Rü yexguma ga naxmax rü namücügü rü ñanagürügü nüxü: —iEcü duũxũgũxü naxüxëxë i wüxi i wëxnaxächica i 22 métru i norü

máchane, rü moxũ paxmama rü
 ãëxgacüna naca nax ngëmagu
 nawëxnaxãgüaxũcax i Marduquéu! iRü
 ñuxüchi ngëmaãcü chibüwa naxü
 namaxã ya ãëxgacü! Erü marü
 taxugutáma curüxĩnũ i ngëxguma
 —ñanagürügü. Rü yema ñnũ rü norü me
 nixĩ ga Amáũ rü yemacax duũxũgüxũ
 nanaxüxëxë ga wüxi ga wëxnaxãchica.

Marduquéu narüporamae

6 ¹Rü yema ga chütaxũgu ga ãëxgacü
 rü tama nape rü inadauecha. Rü
 yemacax naxcax nangema ga yema
 popera ga nagu naxümatüxũ ga guxüma
 ga yema nachixüanewa ngupetüxũ nax
 naxcax nüxũ nadaumatügüxũcax. ²Rü
 yexguma nüxũ nadaumatügügu ga yema
 popera rü yexma nüxũ nayangaugü ga
 ore ga Marduquéuchiga ga ñuxãcü
 ãëxgacü ga Achueruxũ ínapoxũxũ ga
 yexguma yema ãëxgacüpataarü
 dauruũgü ga Bigatá rü Tére nügü
 ucuxëgügu nax ãëxgacüxũ
 yamãxgüchaũxũ. ³Rü yemaxũ naxĩnügü
 ga ãëxgacü rü ínaca rü ñanagürü:
 —¿Taxacürü amare rü cuaxüxũ nixĩ ga
 nayaxuxũ ga Marduquéu naxcax ga
 yema mexũ ga chãuxcax naxüxũ?
 —ñanagürü. Rü nüma ga norü
 ngüxëëruũgü rü nanangãxũgü rü
 ñanagürügü: —Taxuxüma noxtacüma,
 Pa ãëxgacüx —ñanagürügü. ⁴Rü
 yexguma íyadexagüyane rü yoxni ga
 nüma ga Amáũ rü yéma nangu rü
 yemacax ñãxtüwa nayexma nax
 ãëxgacüna yacaxũcax nax Marduquéuxũ
 yema wëxnaxãchica ga naxüxũgu
 nawëxnaxãxũcax. Rü yexguma ga nüma
 ga ãëxgacü rü ínaca rü ñanagürü:

—¿Texé tixĩ ya ñãxtüwa ngëxmaxe?
 —ñanagürü. ⁵Rü yema norü
 ngüxëëruũgü rü nanangãxũ rü
 ñanagürügü: —Amáũ nixĩ i ngëma
 ngëxmaxũ —ñanagürügü. Rü nüma ga
 ãëxgacü rü ñanagürü: —iNamaxã nüxũ
 pixu rü nua naxü! —ñanagürü. ⁶Rü
 yexguma ga nüma ga Amáũ rü nixücu
 rü ãëxgacüpexegu nayachi. Rü nüma ga
 ãëxgacü rü nüxna naca rü ñanagürü:
 —¿Ñuxãcü chi i nüxũ quicuaxüxũ i
 wüxi i yatü i cuma cunaxwãxexũ nax
 nüxũ quicuaxüxũ? —ñanagürü. Rü
 nüma ga Amáũ rü nügüãëwa nagu
 narüxĩnũ: “¿Texéxũ tá nicuaxüxũ ya
 ãëxgacü? ¿Rü taux ëxna i choxũ tátama
 yixĩxũ?”, ñaxũgu narüxĩnũ. ⁷⁻⁸Rü
 yemacax ga nüma ga Amáũ rü
 ãëxgacüxũ nangãxũ rü ñanagürü:
 —Ngëxguma chi nüxũ
 chicuaxüxũchaũgu i wüxi i yatü rü
 naxchiru i ãëxgacü nagu icüxũgu chi
 chayacuxëxë, rü ñuxüchi norü cowaru i
 ãëxgacü nagu ixüxũgu chi chayaxüxëxë
 rü ngãxcueruxũ i ãëxgacü namaxã
 ngãxcueruümaxã chi chanangãxcueru.
⁹Rü chi chorü ngüxëëruũgüeruxũ
 chamu nax nagu yacuxëëãxũcax i
 ngëma naxchiru rü chi cowaruëtügu
 chanaxaunagüxëxë nax ngëmaãcü
 ñanemaũgu namaxã yacaechigüxũcax:
 “Ñãcü nixĩ ya ãëxgacü i nüxũ
 yacuaxüxũ i wüxi i duũxũ i namaxã
 nataãxëxũ”, ñachagürü chi —ñanagürü
 ga Amáũ. ¹⁰Rü yexguma ga nüma ga
 ãëxgacü rü ñanagürü: —Namexechi nixĩ
 i ngëma. iËcü ñuxma rü nayaxu i ngëma
 naxchiru rü ngëma cowaru rü ngëma
 nüxũ quixuxũãcüma naxü namaxã ya
 Marduquéu ya Yudüf ya ãëxgacüpataarü

ĩãxarũ dauruxũ! —ñanagürũ. ¹¹Rũ yexguma ga Amáũ rũ nanayaxu ga yema ãëxgacũchiru rũ ga cowaru ga ãëxgacũ natagu tonagũxũ, rũ Marduquéuxũ nicuxcuchi rũ yema cowarutagu nayaga. Rũ ïanemaũgu namaxã nanaxũane rũ namaxã nicaechigũ rũ ñanagürũ: —Rũ ñaãcü nixĩ i namaxã naxũãxũ i ngẽma yatũ i ãëxgacũ nüxũ icuãxũũxũ —ñanagürũ. ¹²Rũ yemawena rũ nüma ga Marduquéu rũ natáegu nax ãëxgacũpataarũ ïãxna yadauxũcax. Natürũ nüma ga Amáũ rũ nügũ nidũxchiwe rũ nangechaũãcũma paxa nachĩũwa naxũ. ¹³Rũ yexguma nachĩũwa nanguxgu rũ naxmaxmaxã rũ namüciügũmaxã nüxũ nixu ga yema ngupetũxũ. Rũ nümagũ nanangãxũgũ rũ ñanagürũgũ: —Ngẽma Yudũ i Marduquéu rũ taxucürũwa nüxũ curüyexera, erũ ngẽxguma chi ngẽmaãcü namaxã cunaxũxgux rũ tá cuxchaama chixexũ cuxcax ínangu —ñanagürũgũ. ¹⁴Rũ yexguma íyadexayane rũ ínangugũ ga ãëxgacũ ga Achuéruarũ duũxũgũ nax Amáũcax yacagũxũcax nax Itéarũ õnawa nagagũaxũcax.

Amáũmaxã nanaxuegu nax yamaxgũaxũ

7 ¹Rũ nüma ga ãëxgacũ rũ Amáũ rũ nawa naxĩ ga yema chibũ ga Ité naxcax mexẽẽxũ. ²Rũ yexguma norũ bínu íyaxaxgũyane rũ nüma ga ãëxgacũ rũ wena ngĩxna naca ga Ité, rũ ñanagürũ: —¿Taxacũ nixĩ i naxcax ícuçaxchaũxũ, Pa Choxmax, Pa Itéx? iRũ choxna naxcax naca i ngẽma cunaxwãxexũ rũ choma rũ tá cuxna chanaxã woo chi naxcax ícuçaxgu i

ngãxũgu i chauchixũane! —ñanagürũ. ³Rũ ngĩma ga Ité rũ inangãxũ rũ ngĩgürũgũ: —Pa Chorũ ãëxgacũx, ngẽxguma chi aixcũma choxũ cungechaũxgu, rũ cuxcax namexgu i ngẽma cuxna naxcax chacaxaxũ, rũ ñaaxicatama nixĩ i chanaxwãxexũ nax cuxna naxcax chacaxaxũ, Pa ãëxgacũx: iRũ choxũ nüxũ nangechaxũ i chorũ maxũ rũ nüxũ nüxũ nangechaxũ i ngẽma chautanũxũgũarũ maxũ! ⁴Erũ choma rũ chautanũxũgũ rũ marũ toxũ naxũpane nax ngẽmaãcü toxũ nadaĩxũcax ya guxãma. Rũ ngẽxguma chi tomaxã natáegũgu nax togũarũ puracũtanũxũgũ tixĩgũxũcax, rũ choma rũ chi taxu ñachagürũmare, woo i ngẽma rũ ta rũ wũxi i chixexũ i taxũ nixĩ i cuxcax, Pa ãëxgacũx —ngĩgürũgũ. ⁵Rũ yexguma ga nüma ga Achuéru rũ ngĩxna naca rũ ñanagürũ: —¿Texẽ tixĩ ya yíxema tügũ írũporaxe nax ngẽma chixexũ cumaxã taxũxũ? —ñanagürũ. ⁶Rũ ngĩma rũ inangãxũ rũ ngĩgürũgũ: —Ngẽma torũ uanũ i chixexũ tomaxã üxchaũxũ rũ ñaa chixecũmaxũ i Amáũ nixĩ —ngĩgürũgũ. Rũ yexguma yemaxũ naxĩnũgu ga Amáũ rũ poraãcü norũ muũmaxã nanaxĩxãchiãxẽ napexewa ga ãëxgacũ rũ naxmaxpexewa. ⁷Rũ nüma ga Achuéru rũ norũ numaxã nayuxnagũ rũ yema nüxna niña ga yema ínachibũexũwa rũ ãëxgacũpataxũtũwa naña. Rũ nüma ga Amáũ ga marũ nüxũ nax nacuãxũ nax ãëxgacũ tá namaxã naxueguxũ nax yamaxgũaxũ, rũ yoxni Itépexegu nayangücuchi rũ ngĩxũ nacaaxũ nax naétũwa nachogũxũ nax tama ãëxgacũ namaxã naxueguxũcax nax yamaxgũaxũ. ⁸Rũ yexguma

napataxtüwa natáeguxgu ga ãëxgacü rü wena nixücu nawa ga yema ucapu ga nawa nachibüexü, rü nüxü nadau ga Amáü ga Itéxütagu nangücuchixü rü nugaäcü ñanagürü: —Chopexewatama ngĩmaxã cumáxchaü i ñaa choxmax nawa ya daa chopata —ñanagürü. Rü yexgumatama Amáüxü nidüxchiwegü namaxã ga yema naxchiru ga duüxü imáxchaüxü namaxã natüchiwegüxü. ⁹Rü yexguma ga Arbóna ga ãëxgacüariü ngüxëeruxü ixixü rü ñanagürü: —Pa Cori, Pa Æëxgacüx, ñaa Amáü rü duüxügüxü nanaxüxëxë i wüxi i wëxnaxächica i 22 métruarü ngäxü i norü máchane nax ngëmagu nawëxnaxãäxüçax ya Marduquéu ga cuxü ípoxücu ga yexguma Bigatá rü Tére cuxü imáxgüchaügu. Rüngëma wëxnaxächica rü Amáüpataxtüwa nangexma —ñanagürü ga Arbóna. Rü nüma ga ãëxgacü rü nanangäxü, rü ñanagürü: —iNgëmagu peyawëxnaxãx i Amáü! —ñanagürü. ¹⁰Rü nüma ga ãëxgacüariü duüxügü rü yema nümatama ga Amáü Marduquéuçax naxüxü ga wëxnaxächicagu nanawëxnaxägü. Rü yexguma narüngüxmü ga ãëxgacü.

Mu ga Yudfugüetíwa chogüxü

8 ¹Rü yematama ngunexügu rü nüma ga ãëxgacü ga Achuéru rü naxmax ga Iténa nanaxámare ga guma napata ga Amáü ga Yudfugümaxã rüxuanüxü. Rü nüma ga ãëxgacü rü Marduquéuçax nangema rü yemacax ãëxgacüxütawa naxü yerü ngĩma ga Ité rü nüxü iyaxu nax ngĩnepü nane yixixü. ²Rü yexguma ga nüma ga ãëxgacü rü ngĩxü

ínangaxüchi ga norü ñnera ga Amáüna ngĩxü nayaxüxcü. Rü Marduquéuna ngĩxü naxã. Rü ngĩma ga Ité rü Marduquéuxü ixuneta nax namaxã inacuáxüçax ga yema yemaxügü ga Amáüarüchirex ixixü. ³Rü ñuxüchi ngĩma ga Ité rü wenaxarü ãëxgacüxütawa ixü. Rü napexegu iyangücuchi rü ixaxu. Rü nüxü icaxaxü nax ínapiäxüçax ga yema mu ga Amáü unagüxü ga Yudfugüariü dajixchiga nax yemaacü yanaxomarexüçax. ⁴Rü nüma ga ãëxgacü rü Itéétüguama nanawëxnagü ga norü úirumenaxã. Rü yexguma ga ngĩma ga Ité rü napexewa ichi, rü ngĩgürügü nüxü: ⁵—Pa Æëxgacüx, ngëxguma chi aixcüma choxü cungechaüxgu, rü aixcüma cuxçax namexgu i ngëma cuxna naxçax chaxaxaxü, rü chanaxwaxë i cunaxümatü i to i mu i nüxü ixuxü nax marü yanaxoxü i ngëma mu ga Amáü unagüxü nax chautanüxügü i Yudfugüxü nadajüçax i guxüma i cuchixüanewa. ⁶Rü ngëmacax taxucüriwa yaxna namaxã chaxĩnü i ngëma chixexü i chautanüxümaxã naxueguxü nax nadajixchaüäxü —ngĩgürügü. ⁷Rü yexguma ga nüma ga ãëxgacü ga Achuéru rü naxmax ga Itémaxã rü Yudü ga Marduquéumaxã nüxü nixu rü ñanagürü: —Choma rü marü cuxna chanaxã, Pa Itéx, ya yima Amáüpata. Rü nüma ga Amáü rü marü chanamu nax nawëxnaxägüaxüçax yerü nanaxunagü nax guxãma i pemax i Yudfugü pexü nadajixchaüxü. ⁸Rü ñuxma rü pexü chamu nax chauégagu penaxümatüxü rü penaxunagüxü i wüxi i to i mu i pexçax mexü nax peétiwa nachogüxü. iRü chorü ñnera i chauéga ngĩwa ngëxmacümaxã

penaxiüega! Erü wüxi i mupane i chauégagu unagüxü rü chorü ñneraéga nawa ngóxü rü taxucüruwama texé itayanaxoxêxê —ñanagürü. ⁹Rü yexgumatama naxçax nangema ga âëxgaciärü poperaarü ümatüruügü. Rü yema ngunexü ga nagu naxümatüxü rü meama norü tomaepüx ga tauemacü ga Sibáügu âégaciärü 23 ga ngunexügu nixi (júlioarü 23). Rü Marduquéu rü yema poperaarü ümatüruügümaxä nüxü nixu nax ñuxäcü tá naxümatügüäxü naxçax ga Yudfügü, rü naxçax ga wüxichigü ga âëxgacü ga namaxä icuaxgüxü ga yema 127 ga Achuéru xixüanegü ga Ídiaanewa ixügüxü rü ñuxmata Etiopíaanewa nangu. Rü yema mupane rü wüxichigü ga nagawachigü naxümatü. Rü Yudfügügawa rü ta naxümatü. ¹⁰Rü yema poperawa nangox ga naéga ga gumá âëxgacü ga Achuéru rü norü ñneraéga rü ta nawa nangox. Rü ñuxüchi poperaarü núruügü ga âëxgaciärü cowarugü ga iporaxüchixügu ixü namaxä nanüegü. ¹¹Rü yema poperawa rü nüma ga âëxgacü rü guxüma ga Yudfügüna naxäga nax nügü nanutaquëxegüxüçax nax nügütama ínapoxügüxüçax rü nadaiaxüçax ga guxüma ga duüxügü ga guxchaxü namaxä üxü rü noxrüxü yaxiêëgüaxüçax ga yema norü uanügüarü naanegü rü norü yemaxügü. ¹²Rü yematama ga ngunexü ga Amáü Yudfügüxü nagu dajüchaüxügu rü yematama ngunexügu nixi ga naxunetaxü ga Marduquéuarü mu nax guxüwama Achuéru xixüanegüwa nügü nanutaquëxegüxüçax ga Yudfügü nax nügütama ínapoxügüxüçax. Rü yema ngunexü rü meama norü 12 ga tauemacü

ga Adágu âégaciärü 13 ga ngunexügu nangu (13 febréro). ¹³Rü yema muwa rü nüxü nixu ta nax guxüanewa naxunagüxüçax nax guxüma ga duüxügü nüxü nacuaxgüxüçax rü nümagü ga Yudfügü rü ínamemaregüxüçax nax norü uanügümaxä nügü nadaiaxüçax rü nüxü naporamaegüxüçax. ¹⁴Rü yema poperaarü núruügü rü paxama inaxiächi nagu ga yema âëxgaciärü cowarugü ga iporaxüchixü yerü yemaacü nanamu ga âëxgacü. Rü yema mu rü Chüchaarü íanewa rü ta naxunagü. ¹⁵Rü yema ngunexü ga nagu naxunagüxü ga yema mu, rü nüma ga Marduquéu rü nagu nicüx ga âëxgacüchiru ga cómüxü rü yáuxü. Rü nügü natüätü namaxä ga wüxi ga tüätüruxü ga línuchinaxçax ga dauracharaxü. Rü nügüeruwa nayangaxcuchi ga wüxi ga ngaxcueruxü ga úirunaxçax. Rü yemaacü ínaxüxü ga âëxgacüpatawa. Rü guxüma ga duüxügü ga Chüchacüax rü tagaäcü nüxü nicuaxüxügü. ¹⁶Rü nüma ga Yudfügü rü poraäcü nataäxëgü, rü guxüwama ga duüxügü rü yema Yudfügüxü nicuaxüxügü. ¹⁷Rü guxüma ga Achuéru xixüanegüwa rü íanegüwa ga ngextá ínanguxüwa ga yema mu ga âëxgacü unagüxü, rü nüma ga Yudfügü rü poraäcü nataäxëgü, rü nanaxüchigagü ga yema ngunexü. Rü muxüma ga yema togü ga duüxügü rü nügü nixugüe nax Yudfügü yixigüxü, yerü poraäcü yema Yudfügüxü namuë.

Yudfügü rü narüporamaegü

9 ¹Rü yema âëxgaciärü mu ga Yudfügüétüwa chogüxü rü meama norü 12 ga tauemacü ga Adágu

ãégaciärü 13 ga ngunexũgu nangu (13 febréro). Rü yematama ngunexũ nixĩ ga nanguxchaũchiréxũ ga Amáũiarü mu ga Yudfugüarü dajixchigaxũ ixuxũ. Natürü tama yema Amáũu nagu rüxinũxũrũxũ ñnanguxuchi, yerü yema ngunexũgu nixĩ ga Yudfugü norü uanügüxũ naporamaegüxũ rü nadaiaxũ. ²Rü guxũma ga Achuéru chixũanegüwa rü nümagü ga Yudfugü rü guma norü ñanegüwa nügü ninutaquexegüchigü nax namaxã nügü nadajixũcax ga norü uanügü ga nadaixchaũxũ. Natürü nataxuma ga ngexũrũxũ ga norü uanü ga naxcax yéma ixũ nax nadaiaxũcax, yerü guxũnema ga ñanewa rü Yudfugüxũ namuũe.

.....

²⁰Rü nüma ga Marduquéu rü nanaxümatü nachiga ga yema ngupetüxũ. Rü ñuxũchi guxũma ga Yudfugü ga ngaicamagüxũ rü yáxũgugüxũ ga Achuéru chixũanegüwa yexmagüxũcax nayamugü ga yema popera. ²¹⁻²²Rü yema poperawa rü Yudfugümaxã nüxũ nixu nax gucü ya taunecügu ga Adáũiarü tauemacüarü 14

rü 15 ga ngunexũgu (14 rü 15 febréro) naxüchigagüaxũcax nax yemaacü nüxna nacuaxãchiexũcax ga yema ngunexũgü ga nagu norü uanügümexëwa ñnanguxũxũ ga nümagü ga Yudfugü rü yemaacü ga norü ngechaũgü rü norü axu rü taãxëxũ yanguxuchixũcax. Rü yema poperawa nüxũ nixu rü ngëxguma naxüchigagüagu rü name nax nügümaxã nataãxëgüxũ rü nügümaxã nachibüexũ rü ñmare nügüna naxägüxũ rü diëru ngĩxũ nanutaquexegüxũ tümacax ya ngearü diëruãxgüxe.

Marduquéuxũ nicuaxũxũgü

10 ³Rü nüma ga Marduquéu rü ñëxgacü ga Achuéru tũxũwaama nayexma, rü guxũma ga norü ngũxëëruũgüeru nixĩ. Rü nüma ga Marduquéu rü guxũma ga Yudfugütanüwa rü ñëxgacü ya poracü nixĩ. Rü guxũma ga natanũxũgü rü nüxũ nangechaũgü yerü meama namaxã ñacuax rü guxũguma naxcax nadau nax nüxãcü nüxũ nangüxëëxũ.